

Faasoaina Atu o Tulaga Faatonuina

Saunia e Hilary Watkins Lemon



Ou te nofo i Sineva, Suitiselani. Pe a ou matua, ou te manao e avea ma se tagata suesue o toega o meaola ma laau po o se fomai manu. Ou te fiafia e tamoe ma taaalo ma lau taifau, o Fiafia.



Na o i matou ma lou uso ma lou tuafafine ia tagata o le Ekalesia i le matou aoga. E toatele a matou uo lelei, ae o nisi o i latou e le tutusa ia tulaga faatonuina. Ua ou filifili e tu atu i taimi uma mo mea ou te talitonu i ai, e tusa lava pe le o le mea lauiloa lea e fai.

Talofa! O lou igoa o Isaako.



"LEAI" I LE LAUTI
O le lauti faaaisa e lauiloa tele i Suitiselani. I le pati o lou aso fanau, sa fesili mai ai se tasi o au uo mo se ipu lauti faaaisa. Sa ou fai atu ia te ia, e le o i ai se mea. Sa ia fesili mai pe aisea. Sa ou faamalamalama faalelei atu i ai e le inu lauti lo matou aiga.

AUAUNA ATU I LOU TUAFAFINE
O lou tuafafine o Mayla, e le atoatoa lona mafaufau ma lona malosi. Na te faaogaina se nofoa faataavalevale, ma o nisi taimi e manaomia ai le fesoasoani e faanofo i luga po o le feaveai solo i le fale. Ou te fiafia e fesoasoani ia te ia. A tuua le aoga, o maua ma Samuelu e aumaia o ia i fafo o le aoga e o i le fale ma lo matou tamā.




O SE FAIFEAUTALAI TOA
E le fefe lou tuafafine e tautala e uiga i mea e talitonu i ai. Ua uma ona fua-fuaina e Mayla lona papatisoga ma e manao e valaaulia ana uo!



GALUEGA LELEI
Ou te fai i au uo e aua le fai upu leaga pe a ou i ai, ae e fai lava e nisi. Sa luiina au e se tasi tamaitiiti e fai se upu leaga. Sa ou fai atu, "Leai, ou te le faia." Sa tei o ia, ae e le o toe taumafai e faaso au ia au ma ia.

O SE UO AGALELEI
O lou uso o Samuelu, o se faaitaiga lelei. I se tasi taimi na sau ai se tamaitiiti fou e igoa ia Meki i le aoga. Sa tautala o ia i le faa-Korea ma faa-Peretania, ae le o le faa-Farani. Sa fesoasoani Samuelu ia Meki ia lagona le taliaina ma sa fesoasoani i ai e aoao le faa-Farani. O lenei ua la taaalo faatasi i le tuua o le aoga, ma sa i ai se aso sa matou o ai ma Meki i se gaoioiga a le Ekalesia.



MOTUGAAFA A ISAAKO MO LE TU MAUALUGA
Usitai i ou matua ma le Faola.
Alu i gaoioiga i le lotu.
Alu i le lotu i Aso Sa ma ai ma inu i le faamanatuga.
Faaaloalo i isi. ■